

**Служба священномученику Онисиму (Пылаеву),
пресвитеру Нижегородскому, впоследствии епископу
Тульскому и Белевскому (1876 – 1938)**

(27 февраля н.ст.)

В Ё Ч Е Р

На Гóсподи, воззва́х: стихіры, глас 1.

Прехва́льне священномучениче Онисиме,/ ты ни темни́ца изнури́ла
есть,/ ни глад умори́,/ ни озлобле́ния и ра́ны смято́ша,/ во е́же разлучи́ти
тя от любве́ Бо́жия/ и благодарованныя па́сты./ Те́мже Христу́, свя́те,
моли́ся/ дарова́ти Це́ркви на́шей// мир и ве́лию ми́лость.

Всехва́льне священномучениче Онисиме,/ от бра́тий по плóти
страда́ния до кро́ве претерпева́я,/ в себѣ помышля́л еси́,/ я́ко Гóспода ра́ди
умерщвля́еми есмы́/ и несть на́ша брань проти́ву плóти и кро́ви,/ но к
миродержи́телю тьмы ве́ка сего́./ Те́мже Христу́, свя́те, моли́ся,/ дарова́ти
земли́ на́шей// мир и ве́лию ми́лость.

Пресла́вне священномучениче Онисиме,/ ты же́ртву безкро́вную/
пе́рвее благоговѣ́йне соверша́я,/ по́слежде, я́ко всепло́дие,/ себѣ сама́го в
же́ртву живу́ю принёсл еси́,/ моля́, да прости́тся грех богобо́рчества
наро́да на́шего./ И ны́не Христу́, свя́те, моли́ся/ дарова́ти лю́дем
росси́йским// мир и ве́лию ми́лость.

Сла́ва, глас то́йже:

Це́ркве Росси́йския сла́во/ и Оте́чества на́шего украше́ние,/
священномучениче Онисиме,/ вла́стию, от Бо́га тебе́ да́нною,/ руга́тели
безбо́жныя облича́л еси́,/ и, я́ко во́лки лю́тыя, от ста́да твоего́ отгна́л еси́/
и диа́вола посра́мил еси́,/ кро́вь же твоя́, я́ко А́велева,/ от земли́ на́шея
вопи́ет немóлчно./ Сего́ ра́ди ходата́й на Небеси́ о нас ве́рен бу́ди// и моли́
спасти́ся душа́м на́шим.

И ны́не, Богоро́дичен: Всеми́рную сла́ву:

Вход. Прокі́мен дне. И чтѣ́ния три.

Деяний святых апостол чтение (глава 4):

Во дни оны, глаголющим же апостолом к людем,/ наидоша на них священники и воевода церковный, и саддукей,/ жалеюще си, за еже учить им люди и возвещати о Иисусе воскресение мертвых;/ и возложиша на них руки и положиша их в соблюдение до утрия:/ бе бо вечер уже./ Мнози же от слышавших слово вероваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиереем, и Каиафе, и Иоанну, и Александру,/ и елици беша от рода архиерейска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнився Духа Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распясте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зиждущих,/ бывый во главу угла,/ и несть ни о едином же ином спасения;/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же их, яко со Иисусом беша;/ видяще же исцеленнаго человека с ними стояща,/ ничтоже имяху противу рещи./ Повелевше же има вон из сонмища изыти,/ стязавхуся ко друг другу, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострется в людех,/ прещением да запретим има кому не глаголати о имени сем ни единому от человек./ И призвавше их,/ заповедаша има отнюдь не провещавати, ниже учить о имени Иисусове./ Петр же и Иоанн, отвещавше к ним, реста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Они же, призапрещше има, пустиша я,/ ничтоже обреще, како мучити их, людей ради,/ яко вси прославляху Бога о бывшем:/ лет бо быше множае сорок человек той,/ на немже бысть чудо сие исцеления.

Деяний святых апостол чтение (глава 4):

Во дни оны, отпущена бывша апостола приидоста ко своим и возвестиста,/ елика к нима архиереи и старцы реша./ Они же, слышавше, единодушно воздвигоша глас к Богу и рекоша:/ Владыко, Ты, Боже, сотворивый небо и землю и море и вся, яже в них,/ Иже усты Давида, отрока Твоего, рече:/ вскую шаташася языцы и людие поучишася тщетным?/ Предсташа царие земстии,/ и князи собрашася вкупе на Господа и на Христа Его./ Сбрашася бо воистину во граде сем на святого Отрока Твоего Иисуса,/ Егоже помазал еси,/ Ирод же и Понтийский Пилат, с языки и людьми израилевыми,/ сотворити, елика рука Твоя и совет Твой преднарекче быти./ И ныне, Господи, призри на прещения их/ и даждь рабом Твоим со всяким дерзновением глаголати слово Твое,/ внегда руку Твою прострети Ти во исцеления,/ и знамением и чудесем бывати именем святым Отрока Твоего Иисуса./ И помолившимся им, подвижеся место, идеже бяху собрани,/ и исполнишася вси Духа Свята,/ и глаголаху слово Божие со дерзновением.

На стиховне стихиры, глас 6.

Столп непоколебимый Русския Церкви был еси,/ гонения люта претерпевая,/ день и ночь в молитве подвизался еси,/ священномучениче Онисиме,/ огнем ревности и духом кротости/ паству твою ко Христу путеводя,// тем ты любовью почитаем.

Стих: Священницы Твоя облечутся в правду// и преподобнии Твой возрадуются.

Верен Богу и Церкви был еси даже до смерти,/ священномучениче Онисиме,/ ныне же, с лики новомученик и исповедников Российских/ предстою Христу Царю,/ молюся с ними прилежно/ даровати нам мир// и велию милость.

Стих: Честна пред Господом// смерть преподобных Его.

Душевная и телесная страдания твоя/ и смерть за Господа вольная от безбожных/ отверзоша ти, святе Онисиме,/ врата жизни вечныя/ и укрепивша братьев твоих исповедати Христа./ Темже Ему молюся присно,// да утвердятся Православие на Руси во веки.

Сла́ва, глас 4:

А́нгели страда́нием твои́м дивля́хуся,/ и Це́рковь Небе́сная ра́достно
тя при́ят,/ достохва́льне Онисиме./ Ны́не же, свяще́нней ру́це твои́/ к
Престо́лу Святы́я Тро́ицы протира́я,/ помина́й зе́млю Ру́сскую,/ ю́же
возлюби́л еси́,// моля́ о спасе́нии сла́вящих тя благоче́стно.

И ны́не, Богоро́дичен, глас то́йже:

При́зри на моле́ния Твои́х раб, Всенепоро́чная,/ и вся́кия ско́рби
изба́ви зе́млю Ру́сскую,/ до́м Твой наре́ченную/ и крове́мь ново́мученик
освяще́нную./ Да не постыди́мся, Влады́чице Держа́вная,/ Ты
призыва́ющей,/ Ты бо еси́ правосла́вных по́мощь,/ ра́дость и покрóв// и
спасе́ние душ на́ших.

Тропа́рь, глас 3:

Це́ркве Ру́сския сто́лпе непоколеби́мый,/ благоче́стия пра́вило,/ **жити́я ева́нгельскаго о́бразе,/ священномучени́че Онисиме,/ Христа́
ра́ди пострада́вый да́же до кро́ве,/ Егóже моли́ усер́дно,/ я́ко
Нача́льника и Соверши́теля спасе́ния,/ Русь Святу́ю утверди́ти в
Правосла́вии// до сконча́ния ве́ка.**

НА УТРЕНИ

По стихослóвии седа́лен, глас 6:

Сквозе́ огнь муче́ния, я́ко свиде́тель ве́рный, прошёл еси́,/ блаже́нне
Онисиме,/ сего́ ра́ди с ли́ки святы́х земли́ Ру́сския/ в Небе́сном Оте́честве
торжеству́еши./ Помози́ и нам бы́ти ве́рным Христу́ и спаст́ися душа́м
на́шим.

Сла́ва, и ны́не, Богоро́дичен:

О Всепе́тая Де́во,/ Ты ве́мы Покрóв земли́ Ру́сския,/ Тебе́ бо, грешни́и,
има́мы предста́тельство,/ Тебе́ стяжа́хом в напа́стех спасе́ние,/ Еди́ну
Всенепоро́чную.

Велича́ние:

**Велича́ем тя,/ священномучени́че наш Онисиме,/ и чтим честна́я
страда́ния тво́я,/ я́же за Христа́ во утвержде́ние на Русí
Правосла́вия// претерпе́л еси́.**

Псалом избранный:

1-й лик: Бог нам Прибежище и Сила.

2-й лик: Господи, воздвигни силу Твою и прииди, во еже спасти ны.

1-й лик: Глаголах о свидениях Твоих пред царя и не стыдяхся.

По полиелѣи седален, глас 1:

Доблий страдальче и служителю Таин Божиих,/ священномучениче Онисиме,/ Церкви Русския похвало и утверждение,/ ныне, празднующе твою память,/ Богу, прославльшему тя, благодарственно вопиём:/ слава Давшему ти крепость во страданиях,/ слава Венчавшему тя,/ слава Спасавшему нас твоими молитвами.

Слава, и ныне, Богородичен:

Предстательнице теплая и Заступнице усердная,/ в годину безбожия от конечныя погибели/ землю Русскую избавляшая всемошным ходатайством к Сыну Твоему,/ и ныне не остави нас молитвами Твоими, Владычице Богородице.

Степенна, 1-й антифон 4-го гласа. **Прокимен, глас 4: Пройдохом сквозе огонь и воду, и избвел еси ны в покой.** Стих: Разжегл ны еси, якоже разжизается сребро. Всякое дыхание: Евангелие от Матфея, зачало 36.

По 50-м псалме стихира, глас 6:

Егда попусти Господь по грехом нашим/ братоубийство, гонения и веры Христова поругание,/ ты, священномучениче Онисиме,/ Церкви Российския столп непоколебимый явился еси/ и, кровь свою за Христа пролив,/ паству во единстве соблюл еси./ Ныне же, на Небеси предстоя с лики новомучеников, моли спастися душам нашим.

Канон, глас 4.

Песнь 1

Ирмос: Моря чермную пучину/ невлажными стопами/ древний пешествовав Израиль,/ крестообразными Моисеевыми руками// Амаликову силу в пустыни победил есть.

Воли Божией послушлѣв быв,/ святѣтельства жезл приѣл есѣ,
священномучениче Онисиме,/ и, за Христа да́же до сме́рти пострада́в,/
ве́рный сын Це́ркве яви́лся есѣ.

Изгна́ние и разлуче́ние с па́ствою твоёю му́жественне претерпе́л есѣ,
священномучениче Онисиме,/ но ничто́же возмо́же разлучи́ти тя от любви́
Бо́жия.

Безбоя́зненно пропове́довал есѣ лю́дем покая́ние, священномучениче
Онисиме,/ да обратѣ́т сердца́ своѣ́ к Бо́гу/ и то́кмо на Него́ в ско́рбех и
лише́ниях упова́ние ѣмут.

Богоро́дичен: Ма́ти Бо́жия,/ дом Твой, Свята́я Русь, мо́лит Тя:/ изба́ви
лю́ди Твоѣ́ от вся́кия ну́жды и ве́чнаго осужде́ния.

Песнь 3

Ирмо́с: Весели́тся о Тебе́ Це́рковь Твоѣ́, Христѣ́, зову́щи:/ Ты моя́
кре́пость, Го́споди,// и прибе́жище, и утвержде́ние.

Егда́ при́иде испытáние ве́ры твоеѣ́, священномучениче Онисиме,/
страда́ние за Христа́, ꙗ́ко благодáтныи дар, приѣл есѣ/ и кро́вию твоёю
Ру́сскую зе́млю обагри́л есѣ.

Егда́ при́иде гоне́ние от безбо́жных,/ столп непоколебѣ́м Ру́сския
Це́ркве яви́лся есѣ, священномучениче Онисиме,/ святы́х, ꙗ́ко б́лижних
сродни́к, в по́мощь призыва́я,/ с ни́миже кúпно ны́не прославля́ешися.

А́ще и умерщвлѣ́н был есѣ́ те́лом, священномучениче Онисиме,/
оба́че дýхом ко́зни диáвольския посра́мил есѣ́,/ имѣ́я Христа́ прибе́жище и
утвержде́ние.

Богоро́дичен: Тя Предста́тельницу, Пречи́стая Де́во, мо́лим:/ преложи́
на́шу печа́ль на ра́дость и ско́рби належа́щия изба́ви, Засту́пнице на́ша.

Седáлен, глас 3:

Заве́ты испове́дников и священномучени́ков Христóвых восприѣ́м,
дýшу твою́ за ве́ру Правосла́вную положи́л есѣ́, свя́те,/ ёю́же
утвержда́ется зе́мля Ру́сская./ Сего́ ра́ди моли́ся, священномучениче
Онисиме,/ любóвию чту́щим тя ве́рным Христóу до конца́ б́ити.

Сла́ва, и ны́не, Богоро́дичен:

Не ймамы инаго прибѣжища, разве Тебѣ, Богородице,/ Отѣчества
нашего усѣрдная Застѣпнице:/ всяк бо, почитая Тя, надежду обретает.

Песнь 4

Ирмос: Вознесѣна Тя видевши Цѣрковь на Крестѣ,/ Сѣлнце
Праведное,/ ста в чинѣ своем,/ достойно взываящи:// слава силѣ Твоей,
Господи.

Да не дерзуют языцы рещи: где есть Бог ваш?/ Кровь бо
новомучеников от земли нашей вопиет:/ Господи, Господь наш, яко чудно
имя Твое по всей Русстей земли.

Имже образом желает елень на источники водныя,/ сие ты,
страстотерпче Онисиме, к живоносным страданіем за Христа притекл
еси,/ имиже присно священно обновляется лице земли Русския.

Вся земная ни во что вменив Христа ради,/ словом и житіем,
священномучениче Онисиме, верных поучал еси:/ о Бже сотворим силу,/ и
Той унижит стужающия нам.

Богородичен: Стѣна неборимая и Покров всемоушный Россійским
новомучеником явилася еси, Пресвятая Дѣво,/ темже Тя величаем.

Песнь 5

Ирмос: Ты, Господи мой,/ Свет в мир пришел еси,/ Свет Святыи,
обращая из мрачна неведения// верою воспевающия Тя.

Яко луч Сѣлнца Правды явился еси, священномучениче Онисиме,/ и
страданіями твоими мглу безбожия над Отѣчеством нашим разсѣял еси.

Егда безбожнии тѣххуся сокрыти тя в темнице, священномучениче
Онисиме,/ Господь яви тя исповѣдника Своего всем концѣм земли
Русския.

Русския Цѣркве свѣтільниче священный Онисиме,/ кровью
мученическими неугасимо светяи и у Престола Бжия предстои,/ молися
о чтущих тя.

Богородичен: Иже от Дѣвы неизреченно рождѣйся, Господи,/ сохрани
молитвами Ея Цѣрковь Твою,/ Тебѣ славящую православными гласы.

Песнь 6

Ирмос: Пожру́ Ти со гласом хваления, Го́споди,/ Цѣрковь вопи́ет Ти,/ от бесовския кро́ве очи́щшися/ ра́ди ми́лости от ребр Твои́х// истѣкшею Кро́вию.

Воспри́йм меч духо́вный, ѿже есть глаго́л Бо́жий,/ безбо́жных ко́зни сокруши́л еси́, священномучениче Онисиме,/ и вся разжѣ́нныя стрѣлы лука́ваго угаси́л еси́ щито́м ве́ры Правосла́вныя.

Во святите́лех благоче́стно пожив и мучѣ́ния путь терпели́во воспри́йм,/ сугубую мзду на Небесе́х обре́л еси́, священномучениче Онисиме,/ иде́же ева́нгельски прісно ра́дуешися и весели́шися.

Ничто́же возмо́же разлучи́ти тя, богопри́ятне, от любве́ Христóвы:/ ни скорбь, ни гонѣ́ние, ни смерть,/ вся бо сия́ си́лою Возлю́блышаго тя Го́спода препобеди́л еси́, священномучениче.

Богорóдичен: Поём Тя, Предста́тельнице тёплая и Засту́пнице христиа́н, Богорóдице Всепѣ́тая,/ ѿко со все́ми святы́ми земли́ Ру́сския мо́лиши Сы́на Твоего́ и Бо́га на́шего/ обре́сти́ нам ве́лию ми́лость.

Конда́к, глас 2:

Восхва́лим, ве́рнии,/ изряднаго во святите́лех / и сла́внаго в мучени́цех Онисима/ Правосла́вия побóрника и благоче́стия ревни́теля,/ земли́ Ру́сския кра́сное прозябе́ние,/ ѿже страда́нием Небесе́ дости́же/ и та́мо тёпле мо́лит Христа́ Бо́га// спаст́ися душа́м на́шим.

И́кос:

Красу́йся и лику́й, Цѣрковь Ру́сская,/ ѿко благопло́дная лоза́ священнаго страда́льца израсти́вшая,/ добропобѣ́дным мучѣ́нием сердца́ ве́рных укрепившаго,/ за́поведи Госпо́дни испо́лнившаго и прісно ева́нгельски учившаго:/ прииді́те, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в ге́енне./ Те́мже, священномучениче Онисиме, моли́ Христа́ Бо́га спаст́ися душа́м на́шим.

Песнь 7

Ирмос: В пещи авраамстии отроцы персидстей,/ любовию
благочестия паче,/ нежели пламенем, опаляеми, взываху:// благословен
еси в храме славы Твоея, Господи.

Яко трие отроцы, в пещи вавилонстей пламенем объятии, молитвою
не сгараху,/ тако ты, священномучениче Онисиме, во огни мучений
благодатию веру сохранил еси./ Сего ради ныне с новомученики
Российскими ликуеши:/ благословен еси, Боже отцев земли наша.

Якоже древле отроцы, в пещи неопалении, златому истукану не
поклоняшася,/ тако же и ты, священномучениче Онисиме, огнем мучений
неопаленъ,/ безбожие небоязненно обличал еси, взывая с новомученики
Российскими:/ благословен еси, Боже отцев земли наша.

Жертву живую и всесожжение Творцу себе самого принося,
священномучениче Онисиме,/ с новомученики Российскими воспевал
еси:/ могущи, покаяйтесь, яко с нами Бог отцев земли наша.

Богородичен: Яже паче ума и естества Бога рождши,
Неискусомужная Марие,/ чтущия Тя от враг видимых и невидимых
избави,/ Ты бо еси земли отцев наших Держава необоримая.

Песнь 8

Ирмос: Руце распростер, Даниил/ львов зияния в рове затче;/
огненную же силу угасиша,/ добродетелию препоясавшеся,/ благочестия
рачители отроцы, взывающе:// благословите, вся дела Господня, Господа.

Землю Русскую, безбожными гонении нещадно жегомую,/ слезами и
кровью твоими напоил еси, священномучениче Онисиме,/ сего ради
плоды веры, чада церковная, возрастил еси.

Злобы мучителей не убоился еси,/ огнем любви Божественныя тия
препобедив,/ темже благодать молиться о нас стяжал еси,
священномучениче Онисиме достохвально.

Благословляя гонителей твоих, блаженне Онисиме,/ усердно молился
еси за них,/ да покаются и купно с верными братьями благословят
Господа.

Богорóдичен: Христá зрящи умерщвляема, Многопéтая Влады́чица,/ и
вѣдящи исполнѣние Сѣмеонова проречѣния, слезящи вzywа́ше:/
благословѣн еси́, Бóже, во вѣки.

Песнь 9

Ирмós: Кáмень неруко́сѣчный/ от несекóмыя горы́, Тебѣ́, Дѣво́,/
краеу́гольный отсечѣся,/ Христós, совокупѣвый разстоя́щаяся естества́.//
Тем, веселя́щися, Тя, Богорóдице, велича́ем.

Рука́ми беззако́нных уби́ен,/ жѣртва благоприя́тная и во́льное
заколѣние Бóгу принѣслся еси́, свѣтче Бóжий Онисиме./ Тем благодарне
па́мь твою́ почита́ем.

Госпо́дь, исполня́я смотре́ние Своё́ о Цѣркви́ Ру́сстей,/ заступника́ ты,
священномучени́че Онисиме, соде́ла./ Тѣмже моли́ся Емú, во благочѣ́стии
нам пребыва́ти и спаст́ися душа́м на́шим.

О бѣздна́ благода́ти Бóжия!/ Дарова́ бо Бог возлю́бленным Свои́м вѣры
ра́ди пострада́ти/ и ты, священномучени́че Онисиме,/ я́ко плод кра́сный
спаси́тельнаго се́янна, избра́ от земли́ Ру́сския.

Богорóдичен: Разори́ сове́ты вся, на ны воору́женные, Ма́ти Бóга
Вы́шняго,/ и радости́ испо́лни упова́ющия на Тя,/ да усер́дно вси Твое́
проповѣ́дуем заступле́ние.

Свети́лен:

Па́ству хлѣ́бом сло́ва Бóжия насыща́я/ и вино́м премудро́сти
священны́я напо́яя,/ тепло́ю любве́ твоея́ да́ры сия́ раство́рил еси́,
священномучени́че Онисиме./ И ны́не вы́соким проповѣ́данием веща́еши
ча́дом Цѣркве́ Ру́сския:/ присту́пите ко Го́споду, и просвети́теся,/ и ли́ца
ва́ша не посты́дятся.

Сла́ва, и ны́не, Богорóдичен:

О Тебѣ́ мы хвали́мся, Богороди́тельнице,/ и к Бóгу Тя и́мамы
Предста́тельство,/ прости́ ру́ку Твою́ необори́мую/ и сокруши́ враги́
Цѣркве́ Ру́сския.

На хвалітех стихіры, глас 4.

Дал есі зна́мение/ земли́ Ру́сстей, Го́споди,/ священномученика,
угодника Твоего́, Онисима/ яко да тем умолён быва́я,/ отврати́ши
пра́ведный Твой гнев,/ и не поги́бнет свята́я/ и боголюбівая Русь//
предста́тельством но́ваго страсотёрпца.

Же́ртву хвалёния/ прісно Го́сподеви прино́ся,/ священномучениче
Онисиме,/ в ко́нec сама́го себё/ в же́ртву жи́ву и святу,/ благоуго́дну и
соверше́нну предста́вил есі,/ те́мже ти ве́рно вопи́ем:/ благоприя́тны
сотвори́ моли́твы на́ша// о благостоя́нии Це́ркве Ру́сская.

Предста́телю Це́ркве Ру́сская,/ священномучениче Онисиме
всехва́льне,/ ви́ну зряй Лице́ Го́спода на Небесёх,/ не прёзри ни еди́наго/
от ма́лых чад ея́,/ но ра́достно пока́яние на́ше приими́/ и моли́ прісно//
сыновом́ Росси́йским спасти́ся.

Сла́ва, глас 8.

О, пресла́внаго чудесе́!/ Яко крин посреде́ те́рния,/ в страда́ниях за
Христа́ процвёл есі, священномучениче Онисиме,/ да не затми́тся в земли́
на́шей свет Правосла́вия/ во откровё́ние язы́ком и сла́ву наро́да Ру́сского./
И ны́не, в селё́ниях ра́йских пребыва́я,/ неувяда́емо благоуха́еши// ве́ре
твоёй подража́ющим.

И ны́не, глас и подо́бен то́йже:

О, пресла́внаго чудесе́!/ Небесё́ и земли́ Цари́ца,/ от святы́х срóдников
на́ших умоля́емая,/ до ны́не зе́млю Ру́сскую покрыва́ет/ и ли́ка Своего́
изображе́нии ми́лостивно обогаща́ет./ О Влады́чице Держа́вная!/ Не
преста́ни и на бу́дущее вре́мя/ во утвержде́ние на Руси́ Правосла́вия//
ми́лости и чудеса́ изливáти до ве́ка. Ами́нь.

Славосло́вие вели́кое. И отпу́ст.

НА ЛИТУРГІИ

Блаже́нна от канона, пе́снь 3-я и 6-я.

Прокі́мен, глас 7: Честна́ пред Го́сподем// смерть преподо́бных Его́.
Стих: Что возда́м Го́сподеви о всех, я́же воздаде́ ми?

Апо́стол к Ри́мляном, зача́ло 99.

Аллилу́ия, глас 2: Священницы Твой облеку́тся в правду, и преподо́бнии Твой возра́дуются. Стих: Бог нам Прибе́жище и Си́ла, Помо́щник в скорбех, обрётших ны зело́.

Ева́нгелие от Лукі́, зача́ло 106. Конёц: В терпе́нии ва́шем стяжи́те душа́ ва́ша.

Прича́стен: В па́мь вѣ́чную бу́дет пра́ведник:

Молитва священномученику Онисиму (Пылаеву)

О, избра́нниче и уго́дниче Христо́в, священномучениче Онисиме, Це́ркве Ру́сская сто́лпе непоколебѣ́мый, земли́ на́ша благо́е прозябе́ние и кра́сный плод, сродни́ков твои́х предста́телю и наста́вниче! Ты во вре́мя гоне́ния безбо́жнаго от сокро́вищницы душі́ твоея́ спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я и лю́тыя во́лки далече́ отгоня́я. Ны́не убо́ при́зри на нас, недосто́йных чад твои́х, умиле́нною душе́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша и изба́вит от а́довых уз и вѣ́чнаго муче́ния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церко́вныя. Бу́ди па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утѣшитель, гони́мым засту́пник, ю́ным наста́вник, всем же благосе́рдый оте́ц и те́плый моли́твенник, я́ко да моли́твами твои́ми соблюде́тся в Правосла́вии Свята́я Русь и непреста́нно сла́вится в ней и́мя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.